




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
6221 [2]/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
6221(2)/A




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
6221(2)/A



Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
6221 [2]/A



4010 (2) (21)



# DE MEDI

CIS ET INFIRMIS COLLE-  
*ctanea in ordinem centiloquij  
congesta.*

**Authore Hieronymo Mamfredo cla-  
riß. Philosopho, Medico,  
Astrologo.**

*Insuper in uigintiocto mansiones Lune,  
deq; impedimentis eiusdem generali-  
bus, Ioannis Schöneri Mathe-  
matici collectanea.*

M. D. XXX.







CL

N



# CLARISSI-

mo artium & Medicinæ doctori, domino Ioan-  
ni Schütz, Ioannes Schöner Mathema-  
ticus S. D.

**N**emo est, doctor clarissime, qui ignoret, quàm  
præclara medendi ars existat, quantasq; gene-  
ri humano utilitates asferre soleat, ac ideo merito sapi-  
entis doctrinæ est obtemperandum, quæ iubet, ut medi-  
cus honoretur propter creatorem suum altissimum. Cæ-  
terum licet multa sint, sine quibus perfectus medicus es-  
se non potest, potissimum tamen est, ut astrorum cur-  
sum haud negligat, sed totius motus cœlestis rationem  
exacte calleat, cum manifestius constet, q̃ quòd negari  
possit totam hanc molem infernam, ab influentia affici  
superna, quod uel ex unius Lunæ incremento & de-  
cremento palàm conspici potest, cuius humiditate non  
solum æstus marinus augetur & minuitur, sed & ani-  
malia ac uegetabilia cuncta, illius imperio subiacere ui-  
dentur: ita, ut præ cæteris longis infirmitatibus obno-  
xij, Lunæ uim, aspectu uiciatam infelici, manifeste sen-  
tiant. Quod & Ptolemæus non ignorauit, dum ait: Ma-  
ior autem Lunæ uis est humectare. Et paulo post: Lu-  
na mutatione manifesta corpora mutat. et licet Sol, Pla-  
netæ, ac reliqua astra, quæ fixa uocantur, multum ad re-  
rum inferiorum uariationem faciant, Luna tamen præ

A 2 omni



omnibus alijs, tanq̃ terræ proximior, uires suas manife-  
stius ostendit, dominiumq; tam in rebus inchoandis, q̃  
perficiendis gerit. Vnde & Hermes inquit: A Luna  
omnis rei initium accipitur, finis autem à domus suæ do-  
mino, quod quidem nec rei rusticæ gnaris est incogni-  
tum, quum nec terræ semina committant, nec plantant,  
non inserunt, non oaxant, nisi Lunæ motum prius in con-  
siliū aduocent. Quod quum ita sit, quid de medico di-  
cendum erit, qui contemptis aut neglectis astris, uel san-  
guinem deicærit, seu medicamentum misauerit, aut por-  
rexerit? Si enim infortunata Luna, aut infelicibus astris  
id facere ausus fuerit, sentiet profecto non sine magno  
suo de decore, infirmi uero periculo extremo, q̃ impru-  
denter egerit. Quemadmodum nō parum se profecisse  
intelliget, si astrorum beneficio arti suæ adiumento fue-  
rit, non solum in pharmacis administrandis, sed et præ-  
parandis, quod & Marsilius ille Ficinus non ignora-  
uit, dum ait: Medicinas cœlesti adminiculo cōfirmatas,  
nequaq̃ negligendas esse, nisi uitam nostram negligere  
uelimus. Ego enim, inquit, frequenter iamdudum expe-  
rientia compertum habeo, tantum interesse inter medi-  
cinas huiusmodi, atq; alias absq; delectu astrologico fa-  
ctas, quantum inter merum & aquam. His rationibus  
uir clarissime motus, & quia Hippocrates medicorum  
prinæps his adstipulatur, hoc opusculum, quod præci-  
pue de Lunæ tractat potestate, præstantiæ tuæ Doctor  
Clarissime dedicare uolui, ut haberes, quod in egrotorū  
cura



cara sequi posses, et obsequij mei monimentum certissi-  
mum haberes. Bene uale uir præstantissime.

Nurembergæ ex ædibus nostris. Anno  
dominicæ incarnationis

M. D. XXX.

LVNAE MAXIMAM POST SOLEM  
esse uirtutem, Thomæ Venatorij  
Carmen.

**O**Mnia ui lucis superat Sol aureus astra,  
Et terræ uires prodit ubiq; suas.  
Hinc gen9 omne hominū, surgit, genus omne animantū,  
Quicquid et in stagnis nascitur æquoreis.  
At quales diuersa Deus per pectora sensus  
Excitet, instabili lumine Luna regit.  
Omnia nascentis reparant à munere uires,  
Implentur succo languida membra nouo.  
Mox ubi decrescit uidcas decrescere uires,  
Nec qui per uenas defluat humor adest.  
Quod reflui ostendunt magni maris undiq; fluctus,  
Atq; arbos ælsi, quæ iuga montis amat.  
Sæpe salutiferis succi perduntur in herbis,  
Tempore crescentis quos rediisse uides.  
Sæpe senescentis Lunæ si cornua serues,  
Corripuit ualidos pestis æcerba uiros.

A 3 Tunc



Tunc Furijs locus est, tunc seruet turgida bilis,

Et timet extinctas arua podagra faex.

Quin fortuna ingens caelo expectatur ab ipso,

Si uideat natum Delia pulchra uirum.

At si parte alia wultu intueatur iniquo,

Promittit morbos inuida saepe graues.

Deniq; dat uarios hominum Latonia mores,

Ingenium, studium, robora, fata, necem.

Quorum qui studio fugientia tempora ludit,

Is merito medici nomine dignus erit.

Iure igitur multis Medicum prestare uetustas

Credidit, (ut docto carmine Homere canis)

Iliad. 2. Ἰητρὸς γὰρ ἀνὴρ πολλῶν ἀντάξεισ' ἄλλων.

Quod largam exhaustis uiribus addat opem.

Magnus honos arti, magnus fauor, omnia magna,

Arte Machaonia nil prius orbis habet.

τέλος.



# CLARISSI

MI MEDICI HIERONYMI MAM

fredi, de medicis & infirmis Centi-  
loquium.

Verbum I.

**Q**uāuis medicina de se sciētia sit pfecta, Medicus  
tñ in opere suo sine Astrologia nō est pfectus.

Verbum II.

O quantus error est periti medici, astrorum cogni-  
tiōe penitus carentis, quoniā nec medicinarū exhibitio,  
nec phlebotomia, nec quodcunq; aliud opus eius recte  
fieri potest. Insuper neq; ægritudinis natura, neq; quē  
finem illa consequi debeat, sine astrorum obseruatione  
perfecte potest cognosci. Vnde & Aegyptiorū antiqui  
ores scientiæ medicinali Astrologiam adiunxerūt, ut  
utraq; uia proædentes in suo opere certiozem finem  
attingerent.

Verbum III.

Bonus medicus erit ille, in cuius natiuitate Mars &  
Venus fuerit corporaliter, uel aliquo beneuolo aspectu  
coniuncti, similiter Venus & Mercurius. Pfectus aut  
medicus erit ille, in cuius natiuitate Mars & Venus iun-  
cti fuerint in sexta.

Verbum IIII.

Magnus erit pfecto error Astrologi in interroga

A 4 tiomb.



tionibus de infirmo, cum septimum & eius dominus fuerint impediti. Differas igitur interrogationem, aut non loquaris super illam timore erroris.

Verbum V.

Cum in interrogationibus de infirmo, aut in principijs ægritudinum fuerint septimū & eius dominus impediti, remoue medicum ab ægroto.

Verbum VI.

Cum in natiuitate alicuius fuerit luna in coniunctione aut maleuolo solis, & in aliquo angulo mixta stellis nebulosis, significat morbos inseparabiles in oculis. Et si luna in eodem signo cum sole, uel in signo opposito fuerit, & in aliquo angulo, & infortune de maleuolo eis associantur. Siquidem uespertinales à luna, & matutinales à sole, amittet natus utrunq; oculum. Et si solum unum luminare ab infortunis suo modo hoc patietur, alterum oculum tantū amittet. Et deterius ex angulis, est ascendens & septimum, & oppositio de aspectibus.

Verbum VII.

Si ambo luminaria fuerint in sexta infortunata, natus sine aliqua dubitatione cæcabitur. Et si unum tantū, in uno oculo solum patietur. Similiter erit, si aliquod luminare fuerit dominus sextæ, & infortunatum. Et uniuersaliter, non poterunt oculi eius euadere grande nocumentum, in cuius natiuitate fuerint luminaria impedita.

Verbum VIII.

Quando



Quādo luminare temporis iunctum fuerit corpore-  
liter cum aliqua infortuna, uel post luminare temporis,  
ascenderit aliqua infortuna, cæcabitur natus. Et si hoc in  
fortunium fuerit in angulo, uel cum eis fuerit dominus  
ascendentis, cæcabitur in pueritia. Et si non fuerit in an-  
gulo, nec cū domino ascendētis, cæcabitur in senectute.

Verbum IX.

Quando signum sextæ domus fuerit Libra, et Mars  
in eo, dolores significat oculorum.

Verbum X.

Cum fuerit malus orientalis, significat impedinen-  
ta, de quibus non speratur curatio. Et cum fuerit occiden-  
talis, ægritudines significat, de quibus speratur sanatio.  
Et maius est infortunium Saturni, cum fuerit in signis  
masculinis, & Martis in foemininis.

Verbum XI.

Natus tunc erit surdus, quando fuerit dominus se-  
xti Mercurius, & de maleuolo infortunatus à Saturno,  
maxime uero si fuerit in sexta. Similiter erit auditu da-  
mnatus ille, in cuius natiuitate fuerit Iupiter et Saturnus  
damnati super terram, scilicet in locis malis retrogradi  
uel combusti.

Verbum XII.

Impedimentū Mercurij à Saturno, est impedire lin-  
guam. Deterius autem, quando corporaliter coniungun-  
tur, maxime uero in ascendente uel septimo, & in eodē  
signo cum sole, & Mercurius fuerit occidentalis, aut cū  
A s fuerit



fuerit Mercurius super terram corporaliter coniunctus Saturno, aut de maleuolo, & in signo muto, fueritq; infortunatus, scilicet in loco malo, retrogradus uel combustus, & peregrinus, erit similiter lingua damnatus, aut mutus.

Verbum XIII.

Damnabitur in olfactu ille, aut morbos patietur in naribus, in cuius natiuitate Mars & Venus super terrā fuerint impediti.

Verbum XIII.

Non amittet sensum, neq; intellectum, in cuius natiuitate luna iuerit ad Mercurium, aut aspectum eius.

Verbum XV.

Epileptici sunt hi, in quorum natiuitatibus Luna et Mercurius non complectuntur adinuicem. neq; ullus eorum cum ascendente. Et cum hoc fuerit Saturnus in natiuitatibus diurnis, significator qualitatis animæ, & in angulo, et in nocturnis Mars. Et signa facientia epilepsiā maxime sunt Sagittarius & Gemini. Amenes autem sunt eodem modo, præter quod Saturnus est in angulo in nocturna, et Mars in diurna, maxime uero, si in Cancro, Virgine, uel Piscibus fuerit. Demoniaci aut sunt, quando cum hoc quod nuper dictum est, Saturnus fuerit dominus loci Lune, & Luna sub radijs, aut Mars dominus loci Lune, & Luna in opposito Solis, maxime autem in Sagittario & Piscibus.

Verbum XVI.

Luna



Lunatici uel fatui, aut homines leuis cerebri etiam erunt hi, in quorum natiuitatibus fuerit Mars in angulo terræ, in maleuolo Solis, aut Mercurius cum Saturno in ascendente in opposito Martis uel Mercurij, aut Luna cum Marte in ascendente in opposito Saturni, aut Luna & dominus ascendentis cum Mercurio infortunati à Marte. Aut Luna in ascendente in quadratura Saturni à medio cœli et opposito Mercurij, aut Luna separata à Saturno, & coniuncta Marti, uel separata à Marte, & coniuncta Soli, aut Mars inter Solem & Lunam in eodem signo. Aut Luna addens lumine, infortunata à Marte, in Sagittario uel Piscibus, aut Sol in opposito ascendentis, in termino infortunæ, ab ambabus infortunis impeditus, & non inspectus à domino domus suæ. Aut Luna & Sol infortunati in sexto uel in septimo in eodem gradu, aut ambæ infortunæ in ascendente in opposito Mercurij, & in omnibus his sint fortunæ absentes.

Verbum XVII.

Quando Iupiter & Sol fuerint in natiuitate damnati, sensus & intellectus damnationem significant.

Verbum XVIII.

Sol est sicut calor naturalis, uirtutes corporis custodiens, & Luna est significatrix corporis. Cū igitur hæc luminaria in natiuitatibus damnata fuerint, infortunis super ea eleuatis, damnamentū et debilitatem totius corporis faciunt.

Verb.



Verbum XIX.

Cum fuerint infortunæ in angulis, & luminaria eis corporaliter applicauerint, aut in earum opposito, gibbositatem, uel claudicationem, aut aliauius membri destructionem significant, maxime si Luna in altero nodorum fuerit, aut in signis infirmantibus, quæ sunt, Aries, Taurus, Cancer, Scorpio & Capricornus, & adhuc magis in initio uel fine signi.

Verbum XX.

Cancer, Capricornus, Scorpius & Pisces, infirmitates generant, quæ corrodendo incedunt, ut impetigines, excoiationes, scrophulas, phistulas, cancos & lepras & similia. Similiter morpheati, leprosi & cancrofi sunt, in quorum natiuitatibus Luna separatur à Sole, & coniungitur Saturno sine aspectu fortunæ. Aut Luna in ascendente cum Saturno & Marte in aliquo signo aqueo. Aut Iupiter uel Venus fuerit dominus sexti, & ab aliqua damnatus infortuna. Similiter cum Luna fuerit infortunata in aliquo punctorum equinoctialium, aut solstitialium, accidet morphea, uel impetigo, uel lentigo & similia.

Verbum XXI.

Artetici, podagrici, & dolorem iuncturarum patientes, sunt, in quorum natiuitatibus Saturnus uel Mars fuerit in sexto, uel in duodecimo, infortunans dominum sexti, maxime si sextum fuerit Capricornus, Aquarius uel Pisces. Et uniuersaliter, quando Saturnus uel Mars in aliquo



aliquo prædictorum signorum fuerit, debilitatē uel aliquos morbos in partibus inferioribus ab inguinibus significat.

Verbum XXII.

Paralitici, & qui se mouere non possunt, aut tremuli sunt, in quorū natiuitatibus Luna fuerit in angulo cū Saturno, & Saturnus sub radijs combustus. Similiter, quando sextum & dominus eius infortunantur à Saturno sine radio fortuna.

Verbum XXIII.

Stomachici sunt, in quorum natiuitatibus Mars & Saturnus fuerint in sexto uel duodecimo infortunantes Lunam, uel dominū ascendentis, maxime uero, si signū sextū fuerit Cancer. Similiter, quando Sol fuerit sub terra infortunatus, & Luna de nocte, maxime uero in sexta. Epatici uero sunt, quorū Iupiter fuerit dominus sexti ab infortunis de maleuolo inspectus. Aut Luna domina sexti fuerit infortunata à Marte. Similiter, si dominus ascendens & Luna ambo infortunentur à Marte. Aut cū Mars sub terra fuerit infortunatus, & fellis damnamētū facit Mercurius infortunatus sub terra.

Verbū XXIIII.

Splenetici sunt, qui habent Lunam dominā sexti, infortunatā à Saturno. Aut fuerit dominus ascendens infortunatus in septimo, aut Saturnus dominus ascendens infortunatus à Marte, aut quomodocunq; Saturnus infortunatus sub terra. Pulmoniacy, Pthisici, & suffocationem



tionē anhelitus habentes, aut circa pulmonē dolores,  
Lunā habent in angulo terræ coniunctā Marti uel Sa-  
turno, aut ab eis infortunatā. Similiter, si Venus fuerit  
domina sexti infortunata in signo igneo. Cordi ac uero  
et debiles cordis sunt, in quorū natiuitatibus Sol fuerit  
dominus sexti, aut dominus partis infirmitatis et ipse  
infortunatur.

Verbum XXV.

Venus infortunata à Saturno, dolorē testiculorū facit  
maxime si fuerit in ascendente. Similiter Venus cū Mar-  
te in octauo. Aut Luna, Venus et Mars iuncti in male-  
uolo Saturni. *Impotens coniūctus erit ille, qui habuerit Ve-*  
*nereus iunctā Saturno, maxime in decimo uel octauo,*  
aut Lunam iunctā Saturno in maleuolo Veneris, aut Sa-  
turnū in sexto uel duodecimo in signo humido infortu-  
nantem Venerē. Sterilis uero et impotens imprægna-  
tionis, si fuerit fœmina, et habens Lunā et Venerē in  
signo sterili infortunatas à Marte et Saturno. Aut sit Sa-  
turnus in septimo uel decimo infortunans Iouē et Lu-  
nam, aut Venus fuerit cum Saturno, et Luna in sexto  
uel duodecimo infortunata. Et si fuerit masculus, Satur-  
nus in ascendente in opposito Veneris, aut Venus in si-  
gno sterili infortunata à Saturno, aut Venus in domo Sa-  
turni maxime infortunata ab eo. Et qui habuerit Vene-  
rē coniunctā Mercurio, et ambo sub radijs, castrabitur.

Verbum XXVI.

Emortui uel morbos ani patiuntur, qui Saturnū  
uel



uel Martem habuerint in septimo, aut dominum ascen-  
dentis in septimo cū Marte, uel de maleuolo ab eo, aut  
fuerit dominus ascendentis infortuna, et ipse in septi-  
mo, sine radio fortunæ. Aut Saturnus in ascendente in  
opposito Martis, aut Mars in Scorpiōe sine aspectu for-  
tunæ, aut Luna domina sexti in septimo, maxime in-  
fortuna. Disinteriam uero et dolorem intestinorum ex  
uentositate sustinebunt hi, in quorū natiuitatibus Mars  
fuerit in ascendente, et in Scorpione sine aspectu fortu-  
næ, aut Mars de die cum cauda in quarto uel septimo,  
aut Saturnus cum cauda in septimo.

Verbum XXVII.

Maius infortunium Lunæ à Marte est, cum fuerit au-  
cta lumine, et à Saturno cum fuerit diminuta. Time er-  
go super infirmum, cum in principio ægritudinis fuerit  
Luna sic infortunata, maiusq; infortunium Martis ad si-  
gnificatores: potentiorq; est in infortunando, cum fuerit  
in signis masculinis, orientalis, et de die, et e contra in  
Saturno. Et hoc modo erit augmentum prosperitatis,  
Iouis in septentrione, et Veneris in meridie.

Verbum XXVIII.

Ascendens et Aries habent caput. Secunda domus et  
Taurus, collum et guttur. Tertia et Gemini, manus, bra-  
chia et humeros. Quarta et Cancer, pectus, pulmonē,  
mammillas, et stomachum. Quinta et Leo, cor, epar,  
splenem et ilia. Sexta et Virgo, intestina, gracilia et zir-  
bum. Septima et Libra, intestina grossa, umbilicum  
et cæ-



et cætera, quæ in uentre inferiori continentur. Octaua et Scorpio, renes, uesicam, genitalia, anum, femora, nates, testiculos et uulua. Nona et Sagittarius, supremâ coxarum medietatem cum parte testiculorum. Decima et Capricornus, inferiorem partem coxarum et genua. Undecima et Aquarius, crura. Duodecima et Pisces, pedes. Et prima pars signi, primam partem membri possidet. Secunda uero scandam, et tertia tertiam. In membro igitur illo erit ægrotudo, in cuius signo uel domo fuerint dominus ascendens, aut significator, uel Luna infortunati. Similiter et sextum et dominus sexti, et si fuerint infortunati supra terram, erit ægrotudo in parte dextra, et si sub terra, in parte sinistra.

Verbum XXIX.

Arietis morbi sunt, epilepsia, aurium, narium, oculorum, dentium ac oris dolores, et cæteræ eorum ægrotudines, scabies, impetigo, serpigo, pustulæ, et uestigia macularum in facie. Tauri sunt omnes ægrotudines colli et gutturis, sicut scrofulæ, squinantes et cætera apostematibus nascuntia. Gemini sunt ægrotudines ex sanguine, maxime in manibus, brachijs, et humeris. Cancris morbi sunt, pruritus, scabies, lepra, puncturæ faciei, depilatio et paucitas barbæ, pustulæ, impetigo et serpigo. Leonis morbi sunt hi, qui in corde et diafragmate fiunt, et in cæteris membris, quæ possidet Leo. Virginis morbi, qui in zirbo et intestinis gracilibus fiunt. Libræ morbi sunt, urinæ retentio, fluxus sanguinis inferior, et tenebrosi.



nebrofitates oculorum. Scorpionis morbi sunt, oculorū impedimenta, tinea, canar, lepræ, scabies, punctura faciei, pustulæ, impetigo, serpigo & depilatio. Et uniuersaliter omnes morbi membrorum urinae & genitalium quæ possidet Scorpio. Sagittarij morbi sunt, cæcitas, febris, casus ab alto, et morbi ex bestiis aduenientes, membrorum abscisio, & morbi, qui fiunt in coxis. Capricorni morbi sunt, scabies, pruritus, lepra pustulæ, impetigo, serpigo, mutitas, surditas, febris melancholica, caligo oculorum, & morbi, qui coxis & genibus adueniunt. Aquarij morbi sunt in tibijs contingentes, ictericia, nigra melancholia, & uenarū incisio. Piscis uero morbi sunt in pedibus aduenientes, scabies, pruritus, lepra pustulæ, impetigo & serpigo. Cum igitur aliquod horum acciderit in sexta, uel Luna aut pars fortunæ, aut dominus ascendens, uel significator in aliquo horum signorum fuerit infortunatus, erit ægritudo de manerie & natura illorum. Distingue ergo inter ea, ad sciendū ægritudinis naturam.

Verbum XXX.

Cum Saturnus dederit ægritudinem, erit ægritudo ex frigidityte. Cum uero Mars uel Sol, erit ægritudo ex caliditate & siccitate. Discurrere igitur in omnibus signis hoc modo, & scies, à qua infortuna significatores infortunentur, ad sciendum membrorum ægritudines ægritudinumq; naturas.

Verbum XXXI.

B Non



Non obliuifaris etiam laborum, quos habent Pla-  
 netæ in signis fecundum Aegyptios. Quia in Ariete Sa-  
 turnus habet pectus, Iupiter cor, Mars caput, Sol testi-  
 culos & coxas, Venus pedes, Mercurius tibias, Luna  
 genua. In Tauro Saturnus cor. Iupiter uentrem, Mars  
 collum, Sol genua, Venus caput, Mercurius pedes, Lu-  
 na tibias. In Gemini Saturnus uentrem, Iupiter ingui-  
 na, Mars spatulas & manus, Sol crura, Venus collum,  
 Mercurius caput, Luna pedes. In Cancro Saturnus in-  
 guina, Iupiter uerēda, Mars pectus, Sol pedes, Venus  
 manus & humeros, Mercurius collum, Luna caput.  
 In Leone Saturnus uerenda, Iupiter testiculos & coxas,  
 Mars cor, Sol caput, Venus pectus, Mercurius manus  
 & humeros, Luna collum. In Virgine Saturnus testicu-  
 los & coxas, Iupiter genua, Mars uentrem, Sol col-  
 lum, Venus cor, Mercurius pectus, Luna manus & hu-  
 meros. In Libra Saturnus genua, Iupiter tibias, Mars  
 inguina, Sol manus & humeros, Venus uentrem,  
 Mercurius cor, Luna pectus. In Scorpione Saturnus ti-  
 bias, Iupiter pedes, Mars uerenda, Sol pectus, Venus  
 inguina, Mercurius uentrem, Luna cor. In Sagittario  
 Saturnus pedes, Iupiter caput, Mars testiculos & co-  
 xas. Sol cor, Venus uerenda, Mercurius inguina, Luna  
 uentrem. In Capricornio Saturnus caput, Iupiter collum,  
 Mars genua, Sol uentrem, Venus testiculos & coxas,  
 Mercurius uerenda, Luna inguina. In Aquario Satur-  
 nus collum, Iupiter manus & humeros, Mars tibias,  
 Sol



Sol inguina, Venus genua, Mercurius testiculos & co-  
xas, Luna uerenda. In Piscibus Saturnus manus et hu-  
meros, Iupiter pectus, Mars pedes, Sol uerenda, Ve-  
nus tibiae, Mercurius genua, Luna testiculos & co-  
xas.

Verbum XXXII.

Saturnus de membris hominis, habet interiora au-  
ris, splenem, stomachum et uesicam. De humoribus me-  
lancholiam, cum fuerit ascendens ad auge[m] in eac[n]tri-  
co & phlegma acre, cum fuerit descendens. De egritu-  
dibus habet pthisim, catharrum, parelisin, hydropi-  
sin, quartanam, ethicam, podagram, morpheam, lepram,  
cancrum, solutionem uentris, spleneticam passionem,  
ceterosq[ue] morbos, qui frigiditatis occasione proueni-  
unt. De uirtutibus habet uirtutem retentiuam.

Verbum XXXIII.

Iupiter de membris hominis habet tactum, pulmo-  
nem, costas, cartilagines. De humoribus, sperma & san-  
guinem. De morbis, peripleumoniam, squinantiam, pleu-  
resim, apoplexiam sanguineam & spasmus, cepha-  
lalgiam, chardiacam, ceterasq[ue] egritudines, que oc-  
casione uentositatis & sanguinis, maxime peccantis, in-  
quanto proueniunt. De uirtutibus habet digestiuam &  
augmentatiuam ac nutritiuam.

Verbum XXXIII.

Mars de membris habet aurem cum Ioue particeps,  
fel, renes, uenas, testiculos & dorsum, per quod defluit-

B 2 sperma



sperma et epar. De humoribus cholera. De morbis, fe-  
brem tertianam, causen, epigma, emigraneam, erisipi-  
lam et pustulas cum rubore et asperitate ac foeditate,  
ignem sacrum, pauorem et cogitationes horribiles in-  
quietantes, aborsum, appetitumq; carniū putrida-  
rum, et uniuersas aegritudines ex calore et siccitate  
prouenientes. De uirtutibus habet irascibilem et at-  
tractiuam.

Verbum XXXV.

Sol de membris habet oculam dextrum, maxime in  
uiris, cor, cerebrum et medullam, femora et neruos.  
De morbis habet lesionem oris, fluxum reumatis ad  
oculos, et infirmitates calidas et siccas. De uirtutibus ha-  
bet uirtutem uitalem.

Verbum XXXVI.

Venus habet de membris odoratum, sperma cum Io-  
ue particeps, spinam dorsi, anchas, nates, lumbos, ma-  
tricem et uuluum cum Luna particeps, renes, uentrem  
pectinem, umbelium et omnia genitalia, carnem atq;  
pinguedinem. De morbis habet frigiditatem et humidi-  
tatem epatis, stomachi, et cordis, apostemata humida, fi-  
stulas et humorum superfluitates, et praecipue morbos  
frigidos et humidos circa genitalia. De uirtutibus ha-  
bet appetitiuam.

Verbum XXXVII.

Mercurius de membris habet linguam, memoriam  
et parā cogitationis, fel et nares. De morbis habet  
pertur-



perturbationem mentis, cogitationes horribiles, inquietudinem animi, maniam, melancholiam, epilepsiam, tuſſim, abundantiam ſputi, & quandoq; habet morbos, qui ex ſuperflua ſiccitate proueniunt, & damna-  
mentum in felle. De uirtutibus cogitatuam habet.

Verbum XXXVIII.

Luna habet de membris, guſtum, deglutionem, ſtomachum, uentrem, pudenda mulierum & oculum ſiniſtrum, & ſecundum aliquos cerebrum & pulmonem. De morbis habet paralēſin, obliquitatem uultus, membrorum commotionem, & ceteros morbos, qui ex opilatione neruorum proueniunt, & epilepsiam, apoplexiam, & quicquid fuerit ex frigore & humiditate. De uirtutibus habet naturalem & expulſiuam.

Verbum XXXIX.

Significator occidentalis chronicas, orientalis uero, nouas ægitudines demonſtrat. Conſidera ergo ſeparationem Lune à Planetis, & hoc deſeruet in interrogationibus.

Verbum XL.

In cuius natiuitate fuerit aſcendens Taurus uel Scorpio, ipſe erit cauſa ſuarum ægitudinum, et frequenter infirmabitur ex inordinato regimine.

Verbum XLI.

Quinta domus cum eius domino, epatis diſpoſitionem oſtendit, à qua urinae ſumuntur ſignificationes, non obliuiſcaris ergo.



Verbum XLII.

Prima hora diei, usq; ad tres horas temporales, est sanguinis. Secūda alie tres horæ sunt cholerae rubrae. Tertiae tres horæ, sunt cholerae nigrae. Et ultime tres horæ, sunt phlegmatis. Similiter et in nocte. Eodē quoq; modo est in quartis mensis lunaris, et in quartis anni.

Verbum XLIII.

Cum fuerint ascendens ☾ Luna damnati, ☾ eorum domini salui, erit ægritudo in corpore, ☾ non in spiritu. Et si fuerint ascendens ☾ Luna salui, ☾ eorum domini damnati, erit ægritudo in spiritu, et non in corpore. Et hi omnes, si fuerint damnati, erit ægritudo in utroq; Similiter, si infortuna aspexerit ascendens et nō Lunam, erit infirmitas in spiritu, et non in corpore. Et si e contra, erit infirmitas in corpore, et non in spiritu. Et si utrunq; aspexerit, erit infirmitas in utroq;.

Verbum XLIIII.

Sexti dominus in ascendente uel decimo collocatus, morbū manifestū denūciat. In septimo uero uel quarto, occultum, pariterq; in nono uel undecimo, manifestum. In alijs uero locis, occultum.

Verbum XLV.

Planeta retrogradus, longitudinem ægritudinis, ☾ corporis consumptionem facit. Statio planetarum, uomitum ☾ enigranciam. Planeta uero combustus, mortem. Casus autem ☾ detrimentum Planetæ, malum ☾ pericula



periculum in ægritudine adducit. Cum igitur dominus  
ascendentis, uel almuten, aut Luna alicui applicant Pla  
netæ, iudica in eis secundum statum Planetarum, quibus  
applicant.

Verbum XLVI.

Signa mobilia, mutationem infirmitatis faciunt, eam  
q; facile remouibilem reddunt. Signa fixa, longam &  
durabilem, tardeq; mutabilem & remouibilem. Com  
munia uero recidiuam, & quod plus est una. Consi  
dera igitur signum sextæ domus, & signum, in quo fue  
rit dominus eius, & dominus uel almuten ascendentis  
et Luna infortunati, et iudica secundū quod inueneris.

Verbum XLVII.

Luna propria est corpori, propter consimilitudinē  
in operatione. Cum igitur in inuasiōe ægritudinis fue  
rit infortunata, periculosum utiq; et timendum. Commi  
scæ igitur significationes domini ascendentis cum signifi  
cationibus Lune de bono & malo.

Verbum XLVIII.

In morborum principijs, si fuerit Luna in loco ali  
cuius infortune natiuitatis uel quadratura, aut opposito  
eius, erit ægritudo difficilis ualde, & multo ualidius. Si  
Luna etiam in initio ægritudinis ab eadem infortuna fue  
rit damnata, è contra uero erit ægritudo leuis, si loco  
infortune fuerit fortuna, nisi ægritudinis complexio cū  
illa fortuna conuenerit, & hoc dic, postquam noueris  
quantitatem ægritudinis.

B † Ver-



Verbum XLIX.

Cum in initio ægritudinis Luna fuerit in sexta natiuitatis, aut quarta, septima, octaua, uel duodecima, & in utroq; tempore ibi fuerit infortuna, aut maleuoli in fortunæ alicuius radij, mortem omnino denunciat, nisi fortuna, uel fortunæ radius in eo loco, in altero duorum temporum extiterit.

Verbum L.

Cum Luna in principio ægritudinis in loco suo natiuitatis fuerit, & à maleuolo infortunata, aut à domino triplicitatis primo anguli terræ natiuitatis, grande utiq; periculum ostendit. Detrius uero, si etiam in radiæ tale supra Lunam ceciderit infortunium.

Verbum LI.

Cum fuerit ascendens infirmitatis contrariū aut inimicum figuræ natiuitatis, scilicet, septimum, octauum, quartum, sextum, aut duodecimum, & non peruenerit annus reuolutionis ad illam figuram, pessimum erit.

Verbum LII.

Si Luna in principio ægritudinis ad locum applicuerit Solis natiuitatis, & antequam ad quadraturam Solis applicet, fuerit in signo suo natiuitatis, facilitatem ægritudinis ostendit.

Verbum LIII.

Non nocet fortunatis aspectus malus, sicut non prodest infortunarum aspectus bonus, nisi fuerit cum receptione.

Verbum



Verbum LIIII.

O quantus timor erit super infirmum, cum fuerint hora interrogationis uel inuasionis ægritudinis lumina sub terra. Vita enim omnium animantium est secundum gradum Solis & Lune.

Verbum LV.

In interrogationibus de infirmis, da ascendens et dominum eius, aut almuten in figura, infirmo. Septimum uero et eius dominum, medico. Decimum et eius dominum, medicine. Quartum et eius dominum, fini, quem habebit infirmus & infirmitas. Et à sexto et eius domino, scies infirmitatem. Et ab octauo et domino eius, mortem. Et iudica secundum statum uniuscuiusque horum in significatione eius.

Verbum LVI.

Si Luna & Sol ac almuten, uel dominus ascendens fuerint salui, domino octauo non associati, sine dubio liberabitur æger. Similiter, si duo ex his tales fuerint, & si è contra, morietur.

Verbum LVII.

Cum almuten uel dominus ascendens fuerit in suo casu infortunatus & combustus, cum hæc quidem tria testimonia simul iuncta fuerint, aut duo ex his, mortem designat, & deterius est, ut sit ingrediens sub radijs.

Verbum LVIII.

Quando significator fuerit debilis, et dominus octauæ fortis, horrendum ualde. Similiter, quando dominus

B s octa



octauæ infortunat dominum ascendens. Aut quando dominus ascendens fuerit in octaua, & dominus octauæ in ascendente, fortunis non aspicientibus. Pars etiam fortunæ infortunata, malum portendit.

Verbum LIX.

Si dominus ascendens fuerit in octaua receptus à domino octauæ, nec ipse recipiat eum, liberat post desperationem.

Verbum LX.

Timendum est ualde super infirmo, cum dominus ascendens & Luna applicant Planetæ existenti infra terram, sperandum autem, si applicant Planetæ existenti supra terram.

Verbum LXI.

Octauæ domino cardinem mediæ cæli permeante, domino quidem ascendens sub terra quomodoaunq; timendum.

Verbum LXII.

Verendū est ualde, si in ascendente uel octauo, aut cum eorum dominis fuerint malcuolæ stellæ, & si beneuolæ, omnino securum.

Verbum LXIII.

Beneuolis receptis non obest adustio neq; Lunæ. Receptio enim, est magnum quid, multa mingans mala. Considera igitur in omnibus receptionem Planetarum, si rectum dare uis iudicium.

Verbum LXIIII.

Si Luna



Si Luna uelox cursu & crescens lumine, de beneuolo domino ascendens applicuerit, sub terra existenti, maxime cum receptione salutem accelerat, quanto magis si domino ascendens applicuerit, quod existat supra terram.

Verbum LXV.

Si dominus ascendens fuerit in sexto, aut dominus sexti in ascendente, ægritudinis longitudinem et laborem denunciat. Hoc idem facit applicatio domini ascendens corporalis, aut de maleuolo cum domino sexti, aut e contra. Et si de beneuolo, cito futuram salutem ostendit. Et infortunium domini duodecimi ad ascendens, et dominum ascendens est, sicut infortunium domini sexti, licet non tantum, dominus enim sexti, macerat et deficiat, et quasi in defectum propellit.

Verbum LXVI.

Cum fortune fuerint potentes et uictrices, iudicium bonum, cum uero infortune, malum.

Verbum LXVII.

Applicatio domini quarti corporaliter, uel ex maleuolo ad dominum octauum, longitudinem ægritudinis, & tandem mortem significat, si dominus quarti fuerit infortuna. Si uero fortuna, aut de beneuolo ad inuicem applicent, finis erit bonus.

Verbum LXVIII.

Cum dominus ascendens infortunatur à domino  
scandi



secundi, non nisi ægrum, cum magnis expensis, liberari aut mori designat. Et uniuersaliter à cuiuscunq; domus domino infortunetur, infortunium de natura illius domus ægro superueniet.

Verbum LXIX.

Non debet medicus de infirmo confidere, donec Luna uel dominus ascendens non transiuerint planetam combustum, aut planetam ingredientem casum uel detrimentum suum. Et si ambo significatores fuerint in hoc damnamento, mors omnino expectanda.

Verbum LXX.

Cum fuerit sol in ascendente, salutem largitur infirmo. Et si fuerit in sexta, remouet ægritudinem. Et si comburerit dominum octauæ, uincit infirmitatem & mortem, & sanabit infirmum, est enim Sol candela cœli, et spiritus clarificans & ornans signa in quibus est, & comburens inimicos uitæ.

Verbum LXXI.

Non iudices mortem infirmo, si iupiter iungitur Soli, quamuis dominus ascendens applicauerit domino octauæ.

Verbum LXXII.

Si Luna uel dominus ascendens applicauerit domino octauæ, uel eius maleuolo radio, aut e contra, fueritq; dominus octauæ fortuna, longitudinem ægritudinis & laborem, sed non mortem significat. Si uero infortuna, omnino mortem, nisi iupiter Soli uel Lunæ fuerit coniun



coniunctus.

Verbum LXXIII.

Non poterit euadere infirmus, quando luminare tēporis & almuten ascendentis fuerint damnati à domino octauū, uel à domino quarti.

Verbum LXXIII.

Cum in exitu Lunæ de combustionē incepterit ægritudo, augebitur quidem, donec uenerit ad oppositionis gradum.

Verbum LXXV.

Cum dominus ascendentis fuerit in octaua infortunatus, seipsum interficiet ex malo regimine et mala cura.

Verbum LXXVI.

Indorum regula talis est: Numera annos ab hora natiuitatis usq; ad principium ægritudinis, & in nato, qui steterit in utero nouem mensibus, multiplica prædictos annos per quinq; & diuide per nouem. Et si steterit in utero per septem menses, accipe pro quolibet anno unum diem, & diuide per septem. Aut numera signa, quæ sunt inter Solem & Lunam in natiuitate, & per hunc numerum diuide prædictos, & si aliquid remanserit post diuisionem, euadet: & si nihil, morietur.

Verbum LXXVII.

In morbis quidem sunt dies & horæ, quibus declarantur mutationes eorum ad bonum uel ad malum uelociter. Et sunt dies cretici seu pugne, & hoc erit, cum Luna ad quadraturam uel oppositū sui loci initij ægritudinis



tudinis peruenerit. Vnde fit, ut septimus, decimus, quartus & uigesimus uel uigesimus primus dies creentur a medicis appellentur. Dies autem iudicatiui, quibus iudicium sumitur, ad ceticos dies de salute aut morte, mortis uel periculo, sunt medietates quadratorum, ideo fit, ut quartus, undecimus et decimus septimus dies iudicatiui numerentur. Et hic accipitur quadratura uel aspectus per circulum directum, & non per gradus aequales, & hoc erit, si procefferit aegritudo secundum qualitatem naturalem, & non acciderit error, qui disturbet infirmum. Cum igitur in principio aegritudinis inueneris in praedictis locis fortunam, tam de fixis, quam de erraticis, alterationem prosperam significabit. Si uero infortunam, alterationem aduersam, nisi fuerit ipsa infortuna aegritudini contraria, et fortuna ei similis. Et Luna in his angulis semper significat morbos acutos, & Sol prolixos.

Verbum LXXVIII.

Tempus mortis, aut deteriorationis infirmi erit, cum significator aut Luna peruenerit ad corpus uel radios maleuolos infortunae concordantis cum aegritudine, aut cum peruenerit ad gradum octauae, uel ad dominum eius, aut ad dominum sextae uel duodecimae. Aut numera gradus, qui sunt inter significatorem et infortunantem Planetam, qui applicat, et da dies, menses uel annos. Cum enim fuerit significator inter ascendens & decimum, erunt dies uel horae, & cum inter decimum & septi



septimum, erunt septimanae uel menses. Cum uero inter septimum et quartum, erunt anni, secundum quod fuerint signa mobilia, communia uel fixa. Et Saturnus aulibet gradui dat mensem uel annum, Mars uero diem uel mensem. Et si significator tendit ad combustionem, tempus mortis erit in gradu combustionis, et qualibet die, qua Luna applicuerit infortunae concordati cum aegritudine, fortificabitur infirmitas, maxime si Luna fuerit in termino infortunae, contra uero die de applicatione significatoris, et Lunae ad fortunam, quae non est similis aegritudini pro melioratione et salute.

Verbum LXXIX.

Cum in aegritudinis principio Luna fuerit infortunata, tunc morietur uel deteriorabitur aeger, cum iterum Luna ad illam infortunam, uel eius radium applicuerit. Et si fortuna in nullo duorum temporum Lunam aspexerit, proculdubio non euadet, contra uero de fortuna et fortunae radijs dicendum, ad salutem uel meliorationem infirmi.

Verbum LXXX.

Si inter dominum ascendentis et dominum octauae, fuerit applicatio de beneuolo, domino quidem octauae existente infortuna, periculosum et timendum, sed non mortale, nisi aliae diuersae concurrant constellationes.

Verbum LXXXI.

Humiditates corporum in prima et tertia quarta ad  
adunt



cedunt, in secunda uero et ultima quarta recedunt. Quo fit, ut deteriora sint uulnera & incisiones factæ in prima & tertia quarta, q̄ in secunda & ultima.

Verbum LXXXII.

Præcaueat medicus in prima uisitatione infirmi ab hora Saturni & Martis. Si enim accesserit in hora Saturni: morietur infirmus, aut grandes anxietates & tarditates patietur medicus in curando infirmum, nec eum sanare poterit, nisi forte usq; ad desperationem. Et si in hora Martis accesserit, erunt lites et dedignationes inter eum & infirmum, & modicum lucrum. Hora uero Iouis & Veneris, multum laudantur. Aliæ uero horæ sunt mediocres.

Verbum LXXXIII.

Signa terrea in ægitudinibus chronicis commendantur, maxime uero Taurus. Pone igitur Lunam in aliquo ex eis, & in angulis, & penitus non applicet Saturno, nec eius radijs. Et cum fuerit infirmitas à stomacho supra, incipe curam, Luna in Ariete, Tauro, Gemini uel Cancro. Et si à stomacho ad tibias, sit Luna in Leone, Virgine, Libra uel Scorpione. Et si in inferiori parte corporis, sit Luna in alijs signis, & semper sit Luna fortunata, & ab infortunijs salua.

Verbum LXXXIII.

Melior est extractio sanguinis cum uentosis in secunda medietate Lunæ, & in phlebotomia in prima medietate. Et non est bona phlebotomia Luna in Gemini, sicut



fiat non est bonum uti uentosis, Luna in Tauro, maxime his signis ascendentibus. Et melius signum pro uentosando, est signum aëreum uel igneū, ut sit Luna in eo, & ascendens sit illius naturæ.

Verbum LXXXV.

Caue cum phlebotomas, ne Luna sit in signo communi, quoniam aut phlebotomator percutiet uenam plus una percussione, aut erit neccesse minui alia uicē ad modicum tempus. Præterea caue, ne Luna applicet Marti per corpus, uel de malculo, ne forte uena ultra modum wulneretur, & sanguinis fluat multitudo. Non est tamen malum, ut ei applicet de bencuolo. Et similiter caue, ne quomodolibet applicet Saturno, quia aut sanguis non exibat, aut congelabitur, aut phlebotomator patietur anxietates et labores in suo opere. Similiter hæc accident, si hora Saturni fiat phlebotomia. Et si fiat minutio Luna applicante ad Martem, post minutionem mouebitur cholera, & si Saturnū, mouebitur melancholia, & si fuerit cursu uacua, mouebitur flegma.

Verbum LXXXVI.

Bonum est in phlebotomijs, quod Luna sit in Ariete uel Libra, & salua. Optimum autem, si tunc ad Iouem uel Venerem applicuerit, quia non timebit de ea minutione phlebotomatus, imò sentiet se leuem, eritq; ei proficua, malusq; exibat sanguis, & renouabitur bonus.

Verbum LXXXVII.

C In phle



In phlebotomijs et phramacijs cauendū, ne dominus octauī miscatur cum Luna, uel cum domino ascendētis. Similiter, ne Luna & dominus ascendētis sint in quarta uel octaua. Nec etiam dominus octauæ sit in aliquo angulorum. Non laudatur etiam, quod Luna sit in ascendente.

Verbum LXXXVIII.

Meliora signa in accipiendo purgatoria, sunt aquatica, et secunda medietas Libræ. Sitq; dominus ascendētis coniunctus, uel de beneuolo applicans Planetæ sub terra existenti. Et si pharmacū fuerit in forma electuarij, Cancr est melior. Et si in forma pillularū, Piscis. Et si fuerit potio, Scorpio, & secunda medietas Libræ.

Verbum LXXXIX.

Cauē in laxatione uentris, ne dominus ascendētis applicet corporaliter, uel per aspectum domino medij cœli, uel Planetæ existenti supra terram, maxime in medio cœli, et Luna existente in signo ruminanti. Si enim hæc omnia affuerint, mouebitur medicina sursum, & euomet eam.

Verbum XC.

In medicinis purgantibus per inferius, signa ruminantia sunt ualde mala, sicut in uomitiuis sunt ualde bona. Et maxime laudantur in uomitiuis Aries et Taurus, maxime cum Luna fuerit lumine diminuta, & descendēs in latitudine. Et remoue infortunas, et caueas à  
quarto



quarto aspectu Solis, maxime in Ariete.

Verbum XCI.

Cum aliquod membrum corporis euacuare uolueris, fortifica signum illius membri cum fortunis, & remoue ab eo infortunias. Et cum humorem melancholicum euacuas, bonum est, ut Luna applicet Ioui de beneuolo. Et si flegmaticum, Soli. Et si cholericum, Veneri. Et caue, ne Planeta, cui applicat Luna, uel dominus ascendens sit retrogradus, quia medicina uometur.

Verbum XCII.

Si quis purgatorium acceperit Luna coniuncta Ioui, allucietur & minuetur opus eius. Confortabitur enim natura supra medicinam, & eius destruet operationem. Nam in purgatorijs, melior est Lune applicatio ad Venerem, q̄ ad Iouem.

Verbum XCIII.

In medicine constrictiue administratione, sit Luna in gradibus sue exaltationis applicans Ioui, maxime si Luna & Iupiter, ac dominus ascendens fuerint declinantes ad arctos. Et caue in hoc à Venere et Marte.

Verbum XCIII.

Tangere membrum ferro, & Luna in signo illius membri, periculosum.

Verbum XCV.

Non est bonus uomitus, Luna in Leone, sicut non est bona circumcisio, nec partium circa uesicam incisio, Luna in Scorpione.

C 2 Ver-



Verbum XCVI.

In oculorum curati onibus multum commendatur, ut Luna sit aucta lumine, & numero, et libera ab infortunis, & ab omni radio Martis euasa. Et iterum caue, ne Mars sit in ascendente, est enim Mars magnus damnator omnium membrorum capitis.

Verbum XCVII.

In enematis administratione meliora signa sunt, Libra & Scorpio. Et caue, ne dominus ascendens aspiciat dominum sextæ, sed applicet Veneri.

Verbum XCVIII.

Cum balneū exsiantiū administrare uolueris cōtra ægitudines frigidas et humiditas, sit Luna in signo calido et sicco, et applicet Soli, aut Marti de bencuolo. Et si balneū madefactū, sit Luna in signis aqueis. Quod si in Cancro de bencuolo applicet Ioui. Et si in Piscibus, Veneri. Et si in Scorpione, eorum alterutri.

Verbum XCIX.

Cū calefacere uel infrigidare, humectare uel desiccare uolueris, fac ascendēs signū illius naturæ, et pone Lunam et dominum ascendens in signo eiusdem naturæ. Et caueas semper ab infortunis.

Verbum C.

In omni opere tuo, quod circa corpus humanum exercere incipis, fuge horas Saturni & Martis, et elige horas Iouis et Veneris.

F I N I S.



# IOANNIS

SCHONERII MATHEMATICI

in Lunæ observationem collectanea.

Mansionem Lunæ ad quodamq; tempus colligere:

**Q**Uære locū Lunæ ex diario, uel ex tabulis Astronomicis ad diem, cuius mansionē optas, eum locum Lunæ conferas in tabula mansionū .28. Lunæ sequenti, inter signa et gradus mansionum. Nam ubi offenderis signum et gradum Lunæ tui diei propositi in principio mansionis, illa erit mansio Lunæ tui propositi, cuius numerus ad leuam tabulæ, qualitas uero et natura eiusdē mansionis ad dextrā manum reperies. Si aut locus Lunæ tui diei nō directē in numeris principij mansionis inuentus fuerit, sed inter numeros finis et principij, erit tunc Luna in ea mansione, quā numerus principij mansionis denotat. Exemplo isto accipe. Si locus Lunæ præcise fuerit. 19. graduū. 56. minutorum Arietis, cum numerū consero numeris mansionū, et quia directē in principio mansionis primæ inuenitur, Lunam eo die in mansione prima fore denotat. Qualitas aut eius dextram uersus, temperata reperitur. Si aut locus Lunæ nō directē in numeris principij mansionis repertus, ut exemplo utar, fuerit, ut in. 20. 21. etc. usq; in gradum 2. in. 16. Tauri, adhuc esset in mansione prima. Et sic eodem modo de reliquis.

C 3 Nume



TABVLA .28. MANSIONVM LV  
*ne, nostro seculo durabilis.*

Numerus.	Initium man			Finis sionis.			Qualitates.
	S	G	M	S	G	M	
1	♊	19	26	♋	2	17	Temperata.
2	♋	2	17	♋	15	9	Siccā. (uitāda.
3	♋	15	9	♋	28	0	Humida multū, sed
4	♋	28	0	♌	10	52	Humida multum,
5	♌	10	52	♌	23	43	Siccā & calida.
6	♌	23	43	♍	6	35	Temperata.
7	♍	6	35	♍	19	26	Humida.
8	♍	19	26	♎	2	17	Temperata.
9	♎	2	17	♎	15	9	Siccā.
10	♎	15	9	♎	28	0	Humida.
11	♎	28	0	♏	10	52	Temperata ad frigi.
12	♏	10	52	♏	23	43	Humida.
13	♏	23	43	♐	6	35	Temperata.
14	♐	6	35	♐	19	26	Temperata.



Numerus.	Initium			Finis			Qualitates.
	S	G	M	S	G	M	
15	☐	19	26	☐	2	17	Humida. (uitāda.
16	☐	2	17	☐	15	9	Humida et frigi. sed
17	☐	15	9	☐	28	0	Humida multum.
18	☐	28	0	☐	10	52	Siccā, sed uitanda.
19	☐	10	52	☐	23	43	Humida.
20	☐	23	43	☐	6	35	Humida.
21	☐	6	35	☐	19	26	Temperata.
22	☐	19	26	☐	2	17	Temperata.
23	☐	2	17	☐	15	9	Siccā.
24	☐	15	9	☐	28	0	Siccā.
25	☐	28	0	☐	10	52	Humida.
26	☐	10	52	☐	23	43	Siccā, sed uitanda.
27	☐	23	43	☐	6	35	Humida.
28	☐	6	35	☐	19	26	Temperata.

C 4 Impe



**IMPEDIMENTA LVNAE, QVI-**  
bus vires ac influxus eius debilitantur atq;  
impediuntur, quantum huic propo-  
sito deseruiunt, undecim colli-  
guntur.

**Primum.** Quando combusta fuerit intra Solis radi-  
os, aut in oppositis, siue etiam in quadratis configura-  
tionibus eiusdem fuerit. Dicitur autem Luna combu-  
sta, cum antecedit, uel sequitur Solem minus. 12. gradi-  
bus, & ista dicitur maior debilitas Lune.

**Secundum.** Quando infortunus, ut Saturno uel Mar-  
ti iungitur, aut per diametrum uel tetragonum eorum-  
dem aspicitur.

**Tertium.** Quando capiti uel caudæ draconis Lune  
infra. 12. gradus coniungitur.

**Quartum.** Quando in Galaxia constituitur, quod est  
ab octauo gradu Geminorum ad secundum usq; Can-  
cri. Item ab octauo Sagittarij usq; in. 13. eiusdem. Eti-  
am à. 24. Sagittarij ad secundum Capricorni gradum.

**Quintum.** Quando stellis fixis de natura Saturni  
uel Martis coniungitur, prope zodiacum existentibus.

**Sextum.** Quando cursu tarda existit. Dicitur autem  
cursu tarda, quando medius eius motus diurnus maior  
fuerit uero eius motu diurno.

**Septimum.** Quando cursu uacua fuerit, hoc est,  
quando neq; Soli, neq; aliaui Planetarum aliquo radia-  
tionis



tionis genere configuratur.

Octauum. Quando obsessa fuerit ab infortunis Saturno scilicet & Marte, aut inter radios eorundem malignos.

Nonum. Quando peregrina fuerit, hoc est, quando nullam habuerit de quinque dignitatibus essentialibus fortitudinem.

Decimum. Quando est in uia combusta. Est autem uia combusta à 23. gradu Libræ in 3. Scorpionis gradum.

Vndecimum. Quando fuerit in loco eclipsis Solis uel Lunæ, donec eius significatum durauerit.

Notandum etiam uenit, quod in administratione medicaminum, atque earum preparatione ad minus impedimenta Lunæ summopere uitanda sunt, & qualitas mansionis Lunæ eidem medicinæ competens eligenda. Quare, si alicui corpori humano per medicinas humiditatem inducere intendimus, fiet tunc preparatio & administratio earum, Luna in mansione humida absque impedimentis discurrere. Si autem siccitatem inducere intendimus, fiet preparatio et administratio earum Luna in mansione siccā absque impedimentis existente. Medicinæ uero, quæ fiunt pro conseruatione corporis, in sanitate præparentur, ac porrigentur Luna perambulante mansionem temperatam, semper tamen sit libera ab impedimentis supradictis. Hæc diligenter obseruanda erunt à medico.



# IOANNIS

IOVIANI PONTANI, IN VER-

bum. LX. ac. LXI. centiloquij Pto-

lemæi de Criticis diebus & Lunæ

motus obseruatione, expo-

sitio.

Ptolemæus. LX. uerbo.

Super ægrotis Criticos dies inspiciæ, ac Lunæ peragræ-  
grationem in angulis figuræ sedecim laterum, ubi e-  
nim eos angulos bene affectos inueneris, bene erit lan-  
guenti, contra male, si afflictos inueneris.

PONTANVS.

Qui sint dies Critici non medicis solum, uerum etiam  
cuius aliquo ingenio prædito, satis cognitum est. Di-  
cti autem Critici, quod morborum ipsorum perinde ac  
iudices sint, siquidē ipsis illis diebus morbi ne an ægro-  
ti futura uictoria sit, potissimum iudicari potest, unde  
Græci κριτικοὶ, id est iudicatiui, aut si malueris, dis-  
cretiui, quod discernendi uim habeant, dicti sunt, quos  
esse septimum, quartumdecimum, ac uigesimumprimū  
diem, ex quo ægritudo ipsa cœpit, generaliter quidem  
Medici consentiunt, quippe, quos maxime obseruant,  
cum eorum maximum esse iudicium, sentiant. Cur au-  
tem eos tantopere obseruent, ratio hæc est, Luna cum  
nostris corporibus dominetur ob insitam sibi uim ac po-  
testatem



testatem, ipsos corporum humores excitat, ac pro arbitrio moderatur. Quocirca locus eius ubi egrotare quis coepit, diligenter inspiciendus est, ac locus. Item haec aduersus, & utriusq; medius à dextra ac sinistra. Cum enim tria haec loca, quem locum ægritudinis hora Luna tenebat aduersis, & ut Græci dicunt, diametris, ac quadrangulis radijs hostiliter feriant, ubi ad unumquemq; locorum corum Luna transierit, necesse est uti morbus ille maiorem q̃ in alijs diebus commotionem faciat, propter aduersantium locorum naturã, ad quæ Luna peruenierit. Peruenit autem ad locum oppositum quartodecimo seu quintodecimo die, ad loca uero quadrangula, hoc est ad primum quidem quadrangulum, qui locus medius est loci Lunaris atq; aduersi, die septimo octauoue, ad secundum uero uigesimoprimum secundoque die, quorum dierum quod iudicia manifesta sunt, eam ob rem hi à Medicis potius obseruantur. Sed Mathematico de morbis, deq; ijs, quæ morbi accidunt, prædicere uolenti, alij quoq; dies obseruandi magna etiam diligentia sunt. Fieri enim potest tum propter coniunctiones fixarum stellarum, quæ noxiæ qualitatis sunt, tum etiã propter nocentes Planetarum aspectus. uti Luna in alijs etiam diebus maiores atq; concitiores commotiones humorum excitet, contra ut diebus, quos ante diximus, propter coniunctiones, aspectusue adiuuantium stellarum, motus minores atq; sedatiores fiant, quod ipse non semel obseruaui, ea prædicere ausus, quæ res ipsa



ipsa comprobauit. Vt autem prædicere Mathematicus  
hec possit, figuram cæli tempore ægritudinis incipien-  
tis ita constituet, ut è singulis uigintiduobus gradibus  
particulisq; minutis triginta unum latus efficiat, qui nu-  
merus quater ductus, quartam cæli partem implet. Quæ  
ratio docet gradus duos ac uiginti cum dimidiato gradu  
sedecies multiplicatos, trecentos ac sexaginta gradus  
complecti, quot graduū totus cæli ambitus est. Hæc se-  
decim latera è singulis duobus ac uiginti gradibus par-  
tibusq; minutis triginta constituta, figuram sedecim la-  
terum faciunt, qua figura constituta, & laterum angulis  
probe consideratis, non modo qui Critici uocantur, uerū  
etiam cæteros omnes dies inspicies, iudicabisq; pro sta-  
tu Lunæ atq; angulorum ipsorum, uel felici, uel aduer-  
so, commotiones ipsas aut sedatiores, aut grauiores fu-  
turas. Quæ res, si à Medicis obseruaretur, et cum ipsis  
cautius, & cum ægrotis multo melius ageretur, neq; tam  
fallerentur q̃ falluntur, ubi quo minime suspicantur die,  
grauiores commotiones accidūt. Ne autem fallare, mor-  
bi qualitas cum stellarū qualitate, quæ Lunæ angulisq;  
configurabuntur, comparanda est.

Ptolemæus LXI. uerbo.

Luna significat ea, quæ corporis sunt, ut quæ ei pro  
motu similia sunt.

Pontanus.

Non solum apte, uerumetiam necessario enunciatur  
hoc à Ptolemæo subiicitur, quo docemur rationabile  
esse,



esse, uti *Lunæ* motus à Medicis obseruetur, quem corpora ipsa sequantur. *Luna*, inquit, significationem atq; imperium habet eorum, quæ corporis sunt. Dixit autem corporis, quod ea, quæ spiritus sunt, Soli magis attribuntur. Quod autem *Luna* corporibus imperet, incrementa ac decrementa ipsius plane docent, siquidem ex crescente *Luna* corpora implentur atq; humoribus exsuperant, decrescēte magis ac magis euacuantur atq; arescunt, id quod in omni syluestri materia cædenda etiā à rusticis obseruatur. Nanq; materia cæsa cum *Luna* lumine aucta est, quod humidi fiat accessio marcet, ac breui etiam tempore carie conficitur, siquidem humidum ipsum suapte natura & facilius & citius corrumpitur. Contra materia cæsa cum decrescens *Luna*, per quam exiguo est lumine diutius perennat, nam quod tunc siccior atq; attenuatior est, nō tam facile corrumpitur. Hoc ipsum etiā in conchylijs, cancrisq; atq; in uulneribus capitis manifestissime cernitur, estq; res clarior, quā ut probatione multa indigeat. Non mirum igitur si corpus febribus affectum pro moru ac statu *Lunæ* alias maiores, alias minores commotiones sentit, quando etiam ubi sanum ac firmum est, ad illius motum nunc abunde se implendo, nunc tenuiter extenuando naturaliter moueatur.

F I N I S.



IMPRESSVM NVREMBERGAE

*Sumptu Georgij Vuachter.*

Anno M. D. XXX.

*Mense Martio.*



